

PRIVILEGE DV ROY.

*imprime en
1552.*



Enry par la grace de Dieu Roy de Frâce, au Preuoest de Paris, Bailly de Rouë, Seneschal de Liõ, & à tous noz autres iusticiers, officiers, ou à leurs lieutenāts salut. Gilles Corrozet libraire au Palais de Paris nous a fait dire que puis quelque temps ença, il a recouuré vn liure à grands frais, contenant trois parties des obseruations de plusieurs singularitez & choses memorables de diuers pays estrāges, composé par Pierre Belon du Mans, lequel liure ledict Corrozet feroit voluntiers imprimer: mais il doute qu'après les fraiz qu'il cōuiendra faire pour l'impresion dudit volume, autres Libraires le voulussēt faire imprimer sur ses copies, corrections, & impresion, & par ce moyen le frustrer de ses labeurs & despeses, s'il ne luy estoit par nous pourueu de remede cōuenable. Parquoy nous ayāts cōsideré ces choses, & inclinants à la requeste & supplicatiō dudit Corrozet, ayāts desir que tous bons liures soient mis en lumiere pour l'vtilité public, luy auons permis & otroyé, permettons & otroions par ces presentes, imprimer, faire imprimer, & vēdre durant le tēps & terme de six ans après ensuy uants, ledit liure des obseruations: durāt lequel temps il le pourra faire imprimer tant de fois qu'il voudra, sans que pendant ledit tēps de six ans, aucuns Imprimeurs & Libraires ny autres quelconques de nostre iurisdiction le puissent faire imprimer ne vendre en nōz Royaume, pays, terres & seigneuries sans le vouloir & consentement dudit Corrozet. Si vous mandons & cōmandons par ces presentes & à vn chacun de vous endroit foy, & si comme à luy appartiendra, que de noz presentes grace permission & octroy vous faites souffrez & laissez le dict Corrozet iouyr & vser plainement & paisiblement, en faisant ou faisant faire inhibitiōs & deffenses de par nous à tous marchants, Imprimeurs, Libraires & autres quelcōques sur grandes peines à nous à appliquer, & de perdition des liures & de tout ce qu'ils y mettrōt, d'imprimer faire imprimer ny vendre ledict liure sur la copie & impresiō dudit Corrozet sans son vouloir & consentement. Car tel est nostre plaisir: nonobstāt oppositions ou appellations quelconques, lesdictes inhibitions & deffences soient tenues. Donnē à Paris le quinziēme iour de Mars. L'an de grace 1552. Et de nostre regne le sixiēme.
Par le Conseil. Signé Buyer. Et seellé de cire iaune.

Acheué d'imprimer le douziēme iour de Mars,
mil cinq cens cinquante trois.

Care

Wing

2110

02

144

.A1

v. 1

no. 8

THE NEWBERRY LIBRARY